



Elimu ya Juu Kuliko Zote

Tena tusichoke katika kutenda mema; maana tutavuna kwa wakati wake, tusipozimia roho.—**Wagalatia 6:9.**

Kristo anaitua tufanye kazi kwa subira na saburi kwa ajili ya maelfu wanaoangamia katika dhambi zao, waliotawanyika katika nchi zote, kama ajali kwenye ufuo wa jangwa. Wale wanaoshiriki utukufu wa Kristo lazima washiriki pia katika huduma Yake, wakiwasaidia wanyonge, wenye huzuni na waliokata tamaa.

Hebu wale wanaochukua kazi hii wafanye maisha ya Kristo kuwa fundisho lao la kudumu. Hebu wawe wenye bidii sana, wakitumia kila uwezo katika utumishi wa Bwana. Matokeo ya thamani yatafuatia juhudi za dhiti, zisizo za ubinafsi. Watendakazi watapokea kutoka kwa Mwalimu Bora kabisa elimu ya juu zaidi kuliko zote. Lakini wale ambao hawatoi nuru waliyopokea siku moja watatambua kuwa wamepata hasara ya kutisha.

Wanadamu hawana haki ya kufikiria kwamba kuna kikomo kwenye juhudi wanazopaswa kufanya katika kazi ya kuokoa roho. Je! Kristo aliwahi kuchoka katika kazi Yake? Je! Aliwahi kurudi nyuma kutoka kwenye kujitoa dhabihu na dhiki? Washiriki wa kanisa wanapaswa kuweka mbele juhudi endelevu na za kudumu ambazo Yeye aliziweka. Wanapaswa kuwa tayari siku zote kuanza kutenda haraka katika kuzitii amri za Bwana. Popote tunapona kazi inasubiri kutekelezwa tunapaswa kuichukua na kuifanya, huku tukidumu kumtazama Yesu. Ikiwa washiriki wa kanisa letu wangetii maagizo haya, mamia ya watu wangevutwa kwa Yesu. Ikiwa kila mshiriki wa kanisa angekuwa mmisionari aliye hai, injili ingehubiriwa kwa haraka katika nchi zote, kwa watu, mataifa na lugha zote.

Hebu uwezo uliotakaswa uwekwe katika kazi ya kuuhubiri ukweli wa wakati huu. Ikiwa majeshi ya adui yanapata ushindi sasa, itakuwa ni kwa sababu kanisa linapuuza kazi yake liliyopewa na Mungu. Kwa miaka mingi kazi imewekwa mbele yetu, lakini wengi wamekuwa usingizini. Ikiwa Waadventista wa Sabato wataamka sasa na kufanya kazi waliyopewa, ukweli utawasilishwa katika miji iliyopuuzwa katika mwelekeo wazi na Dhahiri na katika nguvu ya Roho Mtakatifu.

Wakati kazi inapofanywa kwa moyo mkunjufu, ufanisi wa neema ya Kristo utaonekana. Walinzi katika kuta za Sayuni wanapaswa kuwa macho kabisa na wanapaswa kuwaamsha wengine. Watu wa Mungu wanapaswa kuwa wenye bidii na waaminifu katika kazi yao kwa ajili Yake ili kwamba ubinafsi wote utengwe mbali na maisha yao. Kisha watenda kazi Wake wataona jicho kwa jicho, na mkono wa Bwana, nguvu ambayo ilionekana katika maisha ya Yesu, itadhihirishwa. Imani itarejeshwa, na kisha kutakuwa na umoja katika makanisa yetu yote.... Kristo anaahidi kwa kila mtendakazi ufanisi wa Mungu ambao utafanya kazi Yake kufanikiwa (Testimonies for the Church 9:31-34).